

www.BibleForChildren.org

Matiu 26



Ri, Pasowana
Rana rai
parmbaiapa
mbut kabe ningikca
maeacreke. Ri, Iesusa
Betani auņa mac tangatna.
Na Betani auņa anna
Lasarusna auņ, na an
ramootmo Iesusa muk
ndiņa moa ņgeprinan.
Karica Maria ma kituknduk aniacna
tabaira kilo kabena minmo aņģica
kipca Iesusna ormo ndikrina, na ma
ndona paņanna lakoar puņga moca magagrakat. Ri,
an inpai laņa an kac inikmo kocnaia wiņga kitacrina.



Ainda moca an kidrikca Iesusna ija rangairena
ramtairta ianna, mana ia Iudas Iskariot, ma taup
ndamtair pañaind tambuņa tanrina.

Ma Iesusmo mina para tikna
moca. Na mina anna waraca
tonjongar koind. Na mina
manmo kituknduk ndeid
neaņa kam maleacat.

Ainda moca Iudasa
ņgepca Iesusmo
tida tikca mina
para tikna
malamņiri.




Ainda moca ma minmo mbopatna
kirara mina anna rangaiatke. Na
maniņa Pasowana amta reikmo
makocrori. Karica mina mbiraca
amba eacri, Iesusa tapac ian angica,
Raraņ Aetaniacmo mbendeica, kam
laņ neaņa, ma rimbitca ndona iņa
rangairena ramtairmo neaņa, ma
aindopatna, “Ne angica
am, anna aukna
tikbuit.”



Ainda moca ma wain kabna
puk anɟica, Raraŋ Aetaniacmo
mbendeica, kam laŋ neaŋga, ma
mimo maneaŋri. Na ma aindopatna,
“Ne muruŋa an anɟica am. Anna
aukna racaindpaik, na an mbuŋa
ne Raraŋ Aetaniacap kam leacrina.
Na aukna racaindpaikca aku
meikramtair wiŋ muruŋa
tipemb ŋgorikta
makukara mo
kecarina.”




Karica Iesusa aindopatna, “Saimon, Saimon, u warac, Ramoot Mbikca aindoprina, ma nena ritipaikmo ramtaira ndorita wit anɣica ɲaɲawir irikna moca, anɣira numairena kirar anɣiri numainande. Aintik aku una moca mbendeiatna, ɲarikca una ritipaca irik narica, ainda moca u ripaca auk ndambuɲ mac nda kip te, ndona laiplacar motocmo moi gagra.”



Ri, Pita mamu aindopatna, “Kacoot, aku kocrorina,
aku unap kac ngoreaca mbuk te, unap menacnande.”

Ri, Iesusa mamu aindopatna, “Pita, aku umo
gaindopnande, mandeac mouņa kackur ianna
ap ngocor ndeacraņ te, u kidrik mbonkaca aindopnande,
u aukmo lamņi ngocor.”



Karica Iesusapa mana iŋa
raŋgairana ramtaira
Getsemani ŋgacrena
taupca taŋgatke. Ma
minmo gaidopatna, “Ne
ganna mbiraca eac, na
aku monmbaica taŋca
mbendeina.” Na ma gaima
mbendeirina, “Abba, Ate,
u reikca muruŋa mona min.
Na aku tonŋorinanna, u auk
ndambuŋna an kabmo mo
kecari. Na u aukna tonŋona kai
raŋgai teac. Wanaiŋ. U ndona
tonŋon niŋgikca raŋgairanŋ.”




Ainda moca ludasa an taup ndamtair paɲaindta aiɲa
morena ramtairapa Parisiarta aiɲa morena ramtairapa,
lapoca ruɲrena ramtairap, aɲgɪca mina an warɪɲ
makɪpat. Na mina runduikta reikapa tacapa
racbikarta kaɪpta tacap kɪprenan. Ri,
mina ianna ɲgepca bugrim mbuɲa,
taup ndamoot paɲan aniacna
mbaiɲna ramootmo waca,
mana koar umbai katacakeca
mbutukatke. Na Iesusa watta
taɲga aindopatna, “An kirarira
kari ɲgoin ndacari.” Na ma an
mbaiɲna ramootna koarmo
utiɲgatke, mana koara
laɲ mac mamoot.



Karica Iesusa mbopca maiatna mbatca, mina mamu
utinga anjira tanga, taup ndamoot pañan aniacna kac
naanjira mbukatke. Ri, Pita
ngepca mina inmbaia
tawancait motem
maranjari. Na ramtair
ndeida mina an kacna
wuoc inikmo tac keca
mbiraca eacrina.
Ri, Pita kipca
mbukca minap
mbiraca eacri.



Na taup ndamoot panjan
aniacna mbaiṅna aiṅa
morena ramoot, Pita
mana koarmo bugrim
mbuṅa waca
katacrinanna, mana
kamkabe ianna ma
aindoprina, “Aku umo
watinanna, u lesusap
wariṅ inikca eacrina ramoot
ki?” Ainda moca Pita gaind
mac mbopatna, “Wanaiṅ.” Na an
kidrik ṅgoinna kackura maapat.
Na Pita an kam ndamṅica,
laruca ae ṅgoreac ṅgoin maaeri.




Karica an ramtair paṅainda muruṅ
naṅgepca, Iesusmo Iudiana inikca
raupṅirena ramoot paṅan, Pailat
ndambuṅ naṅgira matangat.
Ri, Pailatta Iesusmo gaind
madigiat, “U Iudananta
gagrirta ramoot paṅan
ki?” Ri, ma rutica
gaindopatna, “U
ande mambopri.”



Karica Pailatta Iesusmo watcarica
tanjna iroap tik, ma meikramtairmo
mac nda mbopatke. Wanainj, an
meikramtairta tumbunna kam
keca aindopatna, “Mamo
ik naangji kerac, mamo
ik naangji kerac.”



Ainda moca ma Iesusmo lapoca runrena
ramtairta para tikrina, te, mina manmo
angica ik naangi keracna. Karica mina
Iesusmo angica matangat. Na ma ndo
ngoinna ndona keracna ik mbukca
angica matanri. Na ma an auŋ aniacmo
tikcarica ma taup ianna tanri, na an
taupca mina Panjan Tianggapna Gagar
ngacrenan. Na Iburuna
kam mbuŋa mina gaind
ngacrena, Golgota.




Na an taupca tikca mina manmo
ik naangica keracatna. Na ramoot
mbuniŋmo mina manap keracrina.
Ianna waŋembai, na
ianna waŋembai.
Na Iesus tikmo
rikca tikrina.



Rana memetaca an minna pikatke, Iesusa kam aniac
keca, gaidopatna, “Ate, aukna ŋeroŋa una parnambat
mairikek.” Aindopca, ma andu mamenacat.

Ri, Raraŋ Aetaniacna Kacna
tiŋ nakeraca eacrina,
raraŋitta titacatika
waŋniŋ malaruat.



Karica an rana wigwac mbuᅇa
Arimatia auᅇna Iosepa, makipat.
Na ma mina ninik waᅇna
tumbunna ramoot ian,
na meikramtairta
lamniac ᅇgoutta
ma i lanap
eacrena ramoot.

Na ma toco Raraᅇ
Aetaniacna bubuoca
watna lambirena.



Na ŋorapmbaia anna Wiktitikna Ra,
aintik mandeaca anna amna
reikapa reikmo kocrona ra.
Ainda moca Iosepa mba
nanambiatke, ma tanga
Pailatna outta witikca,
ma manmo digica
Iesusna wairmo,
watcarica ma
anġina.



Ainda moca Iosepa tanga raranjit
gogok ian ngoikca, ma Iesusna
wairmo anjira mairikat. Na
ma an mbun matamairi,
na ma an wairmo anji
tanga wautna mukca
ramtaira morina
muk inikca
tikrina.

Na Iosepa an
mukna tinjmo waut
aniac ian rukica
tanga mboracrina.



Ainda moca an Wiktitikna amna reac
ngobacna ra maiatke. Wiktitikna
Ra, taup ndamtair
pañaindapa Parisina
ramtaira mina Pailatta
watna matangat.



Karica mina tanpa mamu aindopatna,
“Ramoot panan, an paparuna
ramoot mbopatna kam
ianna, ma menac
ngocor ndeacri, ma
gaindopatna, ‘Rai
mbonkac mai te,
aku mac
ngepnande.’”



Aindopatke, mina tanga mukmo
mataua mboraca muptoca
tikca. Mina lapoca
runrena ramtairmo
mbopca, mina man
ndambuŋa witikca
mana ŋginaŋa
morina.



Karica Wiktitikna Ra maiatke, ngat kabena raita, ra lacau ngoinna njanarmun ngoin, Makdala aunna Mariaapa mana i kabea manija mukca watna matangat. Ri, numnum aniaca anduna manumaiat.



Na Raranj Aetaniacna mbainna aiŋa
morena ŋeronj ianna tamuŋna auŋ
ndiŋa ma irikca an waut aniaca
tiŋ mboraca eacrinanmo
rukica roumbca tikca ma
an nambatta mbiraca
eacri. Ri, an lapoca
ruŋrena ramtaira
anna watca mina

rugdar moca
nanambica mina
pitrikca irikca
menacrina
ramtair toc.



Karica an mbaiṅna aiṅa morena ṅeroṅa
an meacniṅmo gaindopatna,
“Oṅgo kai nanambi teac. Aku
lamṅirena, oṅgo Iesusna
ṅgorena kiprina, ma ande
an ramoota mina ik
naaṅgi keraca ma
menacatna. Na
ma ganna mba

eacreke,

ma mac nda
ṅgeprina. Ne kipca mana wair
eacrina taupca wat. An kamma
ṅgaua ma mboprina kirar.”




Karica an meacniņa mukna taupmo
tawi ŋgoinna tikcarica, namnaimbap,
na tonjon aniacap tik, maniņa
ootta tanğa mana iņa rangairena
ramtairmo mbopna.



Na manija tangatke, Iesusa manimo anduna laruca manimo ndauprikica aindopatna, “Njarmun laŋ.” Ri, manija tanga mana or kitimma rambuŋaica manija paŋannin ramtukca mana ornin ngutinga mambendeiat.





Ainda moca inmbaia mana inja rangairena ramtair
parniŋapa mbut kabena minna ramtaira, mbiraca
ambca eacri mbuŋa Iesusa min ndambuŋ malaruat. Na
ma minmo kaega moatnanna, anna gaind, mina iroar
inkara gagrar koind, aintik ma mac nda ŋgepatnanna,
mina ritipaik kocor. Na meikramtaira manmo watca
anna kam ndoprinanmo, mina minmo mba ripacatke.
Karica Kacoot Iesusa minmo kamb topca maiatke,
Raraŋ Aetaniaca manmo tamuŋna auŋ naaŋgira
matanŋat. Na Iesusa tanŋa mana
par umbaia mambiracat.



Na Raraŋ Aetaniaca ma Nuoc kabe
ningikap. Na ma gan tiacarpaikna
meikramtairmo muruŋcamiŋa
matjirenan, aintik ma minmo an
ndona Nuoc kabemo minmo
neanrinan.



Na ma ainda mo te, meikramtaira
muruŋcamiŋa manmo ripacrenanna,
mina mba taprekeitndait. Wanaiŋ.
Mina an iarwarna eteacna
wat laŋa anŋinandet.



Rom 3:23

Na aia meikramtaira muruŋcamiŋa tipemb ŋgorikta makukara morenan, aia manmo tawan maeacreke. Aintik aia Raraŋ Aetaniacna i aniac aŋgina minna wanaiŋ.

Rom 6:23

Na tip ŋgoreacna makukca ma ndona aiŋna meikramtairmo opoikca neaŋrenan. Na an opoikca anna memenac. Na Raraŋ Aetaniaca ma aimo wanaiŋ ŋgotacrena opotaca, anna kakadmaina iarwarna eteacna wat. Na an iarwarna eteacna watta aia aŋgirenanna, anna aina Kacoot Iesus Karaisna aiŋ mbuŋ.

Iburu 9:27

Na aia meikramtaira kidrik kabe niŋgikca menacrenan, na iŋmbaia mina Raraŋ Aetaniacna ritri waparaca larunandet.



Epesus 2:8,9

Na ne Karaisa ripacri tik, Raraŋ Aetaniacna kakadmai mbuŋa ma nenmo mac nda anŋirinan. Na nemo mac nda anŋirina aiŋa, ne ndori puŋga mba mori, wanaiŋ. Anna ma nenmo wanaiŋa neaŋrina aiŋ. Aintik anna nena aiŋa morena opoikca wanaiŋ. Ainda moca ramoot ianna ma ndona i anŋi ŋgepna minna wanaiŋ.

Rom 10:9,10

Na u Iesusna kamma u up mbuŋa gaimda waeke mbop te, ma Kacoot, na una iro inikca u ripacrina Raraŋ Aetaniaca manmo mukca tikca mac nda moa ŋgepatnanna ripac te, Raraŋ Aetaniaca unmo mac nda anŋinande. Na aia ndorita iroar inkar puŋga ripacrenan, Raraŋ Aetaniaca aimo meikramtair wandoik ŋgacnande. Na up mbuŋa aia ndorita ripacna kam ndopca waekerenan, na Raraŋ Aetaniaca aimo mac nda anŋinandet.



Ion 3:16,17

“Na Raraŋ Aetaniaca ma Nuoc kabe niŋgikap. Na ma gan tiacarpaikna meikramtairmo muruŋcamiŋa matjirenan, aintik ma minmo an ndona Nuoc kabemo minmo neaŋrinan. Na ma ainda mo te, meikramtaira muruŋcamiŋa manmo ripacrenanna, mina mba taprekeitndait. Wanaiŋ. Mina an iarwarna eteacna wat laŋa aŋginandet. Na Raraŋ Aetaniaca ma ndona Nuocmo gan tiacarpaikmo mba mbagirica kipca meikramtairta tipemb kirarira ritri waparaca mo nake, mba mbagiricatnan. Wanaiŋ. Ma manmo mbagirica ma minmo mac nda aŋgina.

1 Ion 5:11-13

Mana kambca gidkar koind, an kirarir puŋga, ma aimo anna wandacrina. Ainda moca Raraŋ Aetaniaca aimo iarwarna eteacna wat neaŋgatna. Na mana Nuoca ma an iarwarna eteacna wat ŋgam, na man niŋgikca ma ndo anna miniŋ.



Na ramootta Raraŋ Aetaniacna Nuocmo taŋi mik te, ma iarwarna eteacna watap. Na ramootta Raraŋ Aetaniacna Nuocmo taŋi mik ŋgocor, an iarwarna eteacna watta manap mba eacitndai. Na ne Raraŋ Aetaniacna Nuocna i mbuŋa ripaca utiŋrena meikramtaira, aku gan kamma nena moca tirrina, nemo anna wati rapacna moca, na an iarwarna eteacna watta ne maanŋiri.



Matiu 26-28; Luk 22-24; Ion 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Borei Bible (gai) © Pioneer Bible Translators Association of
Papua New Guinea, Inc. © Pioneer Bible Translators of
Dallas, Texas, USA

<https://live.bible.is/bible/GAIPBT/MAT/1>

©2024 Bible for Children, Inc.

www.M1914.org

www.bibleforchildren.org

